

/ Perillustris, et Reverendissime Domine. Non consuevi perdere bonas horas in legendis nugis, et mendaciis eorum, qui singulis hebdomadis disseminant per orbem omnia quae geruntur, vel dicuntur per magnos viros. Ea causa est, cur nihil cognoverim de magno cancellario Poloniae praeter obitum. Molestè fero tam turpem notam inustam esse post mortem viro clarissimo; et continuò significandum curavi praefecto Urbis, ad quem ista pertinent, ut iubeat per eosdem garrulos scriptores contraria scribi. Promisit se daturum operam, ut si fieri possit, damnum hoc resarciatur; negavit autem /0 posse in eos iure animadverti, quoniam non ipsi sunt auctores eorum, quae scribunt, sed referunt ex Venetiis id esse Romam perscriptum, et tabulis ex Venetiis allatis id probant. Oporteret cum Venetis agi, ut ipsi remedium adhiberent, ne talia scriberentur; vel certè ex Polonia scribi oporteret aliquid, unde ista mendacia confutarentur. Valeat perillustris, et Reverendissimus Dominus, et me ut facit, amare pergat; et si quid aliud per me fieri cupit, libere iubeat. Datum Romae die 5 augusti 1605.

-----  
Ioannes Andreas Prochnicius (alia manu)